

臺北市萬華區萬大國民小學

114學年度校內語文競賽 閩南語情境式演說(2)



春天秋清的天氣上蓋讚，一透早日頭出來就淡薄仔燒烙燒烙，欲出門的時阿媽閣一直喝今仔日會變天，愛紮雨衣。看日頭遐爾大粒掛佇天邊，我偏偏仔毋信，冊包揸咧、便當袋仔揸咧，就做我出門去讀冊矣。

下晡兩點外上課的時，天頂的烏雲一直罩倚來，酸冷風嘛一直吹過來，予逐家攏無掛聽老師講話，一直看對外口出去，煩惱等咧天氣毋知會變按怎？

過無佹久，烏天暗地，雨水若像用倒的全款一直落袂煞，這時陣我雄雄想著早起阿媽講的話，實在有夠準的，偏偏我攏無欲共信篤，連雨衣抑是雨傘都攏無紮，這聲害矣，等咧看欲按怎轉去才好！

下課的時，我倚佇學校門口，遠遠看著阿媽擡一支雨傘咧共我攞手，我緊走去共伊司奶講：阿媽，你的話有夠準，我後擺一定袂共你的話吊咧耳仔尾，多謝你來接我。阿媽就笑笑仔講：老人毋講古，少年就知苦，後擺愛較聽話咧，行！咱緊來轉！

問題一：人講好天就積雨來糧，春天天氣變化真緊，你欲按怎預防落大雨無才調轉去？

參考答案

阮學校袂使紮雨傘，所以我攞會紮一領便雨幔囡佇冊包仔底。萬不一若袂記得補充，我就會用媽媽予我紮佇身軀邊的銀角仔敲電話，共伊討救兵。

問題二：請你分享一件人共你鬥相共，予你足感動的代誌。

參考答案

會記得有一擺我的跤反跤刀，去病院予醫生看煞出來，托拐仔欲過青紅燈的時，托到一半煞變紅燈，害我倚佇路中央毋知欲按怎。這時陣竟然無半台車起行，逐家攞咧等我，予我感動甲！雖然我毋捌，猶毋閣我足感謝！